

歲時廣記
一



歲時廣記
二



歲時廣記
三



廣雅釋詁

一



歲時廣記
一

陳元靚編

中華書局

歲時廣記 二

陳元靚編

中華書局

歲時廣記 三

陳元靚編

中華書局

叢書集成初編

歲時廣記 三册

中華書局 出版發行

(北京王府井大街三十六號)

北京石景山區中華書局印刷廠印刷
一九八五年北京新一版
開本：七八七乘一〇九二毫米三十二分之二
統一書號：一七〇一八·一五一

叢書集成初編所選學海
類編及十萬卷樓叢書皆
收有此書學海本僅有前
四卷故據十萬卷樓本排
印

歲時廣記序

有天之時。有人之時。寒暑之推遷。此時之運於天者也。歷書所載。蓋莫詳焉。至於因某日而載某事。此時之係於人者。端千緒萬非託之紀述。則莫能探其源委耳。噫。慶道長於一陽之生。謹履端於一歲之始。是蓋天事人事之相參。尤有可據。彼仲夏之重五。季秋之重九。豈天之烝候然也。而人實爲之。使徵考訂。孰知競渡之繇。楚靈均。登高之因。費長房乎。引類而伸。若此者衆。雖然。荆楚歲時之記善矣。惜乎失之拘也。秦唐歲時之所記多矣。惜乎未之備也。今南潁陳君。蒐獵經傳。以至野史異書。凡有涉於節序者。萃爲巨帙。殆靡一遺。仰以稽諸天時。俯以驗之人事。題其篇端曰歲時廣記。求于文而序之。予惟陳君嘗編博聞三錄。盛行於世。況此書該而不冗。雅而不俚。自當與並傳於無窮云。

宣教郎特差知無爲軍巢縣事兼理武民兵軍正總轄屯戍兵馬借緋新安朱鑑撰。

歲時廣記引

識貴乎博。書患乎略。故入鄧林則知杞梓之良。闕武庫則識甲兵之富。此太平時祖所以廣其記也。然或記錄雖詳。而採擇之未精。或條目雖備。而顛末之多舛。覽者病焉。龜峯之體。梅谿之灣。有隱君子。廣寒之孫。涕唾功名。金玉篤籍。採九流之芳潤。擷百氏之英華。輔以山經海圖。神錄怪牒。窮力積稔。萃成一書。曰歲時廣記。搜節物之異聞。考風俗之攸尙。手編心緝。博而不煩。補白孔之或遺。續晏曾之未備。亦後來雜家者流之奇書也。誠使操觚之士。得之。非特可施於竿牘之貽。抑且具助於江山之咏。至於芳辰麗景。懷古感今。江心鏡之徵。敷於散之辨。隨叩隨應。取之不窮。當有發久不見。異人必有得異書之歎者矣。其有詢故實。則筆闕而不書。質異聞。則口呿而不對。此記問不廣之由。故書不負人。而人負書。

文林郎新得行在太平惠民和劑局監門道山居士劉純君錫撰。

重刊足本歲時廣記序

歲時廣記四十二卷。題廣寒仙裔陳元靚編。前有宣教郎特差知無爲軍巢縣事兼理武民兵軍正繡轄屯戍兵馬借緋朱鑑序。文林郎新和劑局監門劉純序。讀書敏求記所著錄。祇前四卷。四庫著錄本同。此從天一閣藏抄本傳錄。尙是全書。惜缺第六卷耳。廣寒先生姓陳氏。不知其名。福建崇安人。陳希夷弟子。後尸解。墓在建陽縣三桂里水東源。崇安有仙亭峯。白塔。仙洞。皆以廣寒得名。子遜。紹聖四年進士。官至侍郎。嘗構亭于墓所。名曰望考。後朱子嘗居其地。故學者又稱曰考亭先生。元靚蓋遜之裔也。朱鑑字子明。朱子長子塾之子。少穎敏。讀書一目數行。朱子鍾愛。異於諸孫。以蔭補廸功郎。官至戶部郎中。湖廣總領。寶祐六年卒。年六十九。見福建通志。其爲巢縣。則通志失載。可補其缺。純字君錫。崇安人。以父蔭授沙縣主簿。調袁州分宜縣丞。尋入監和劑局。紹定中。閩寇晏頭陀等嘯聚汀郡。連犯南劍。建寧。純調湖北帳。幹聞賊迫近鄰里。辭歸。散家財。招義勇討之。邵武守王遂請于朝。以純知邵武縣。討賊被執。不屈。死之。隆義壯亦見福建通志。則元靚亦理宗時人也。所箸尙有博聞錄。事林廣記。廣記余有永樂刊本。博聞錄見絳雲樓書目。今不傳。惟見于此書所引而已。

誥授榮祿大夫二品頂戴前分巡廣東高廉兵備道陸心源敘。



梁元帝纂要

春曰青陽。氣清而溫陽。亦曰發生。芳春、青春、陽春、三春、九春。天曰蒼天。萬物蒼蒼而生。風曰陽風、春風、暄風、柔風、惠風。景曰媚景、和景、韶景。時曰良時、嘉時、芳時、辰曰良辰、嘉辰、芳辰。節曰嘉節、韶節、淑節。草曰芳草、弱草、芳卉。木曰華木、華樹、芳樹、陽樹。林曰茂林、芳林。鳥曰陽鳥、時鳥、候鳥、好鳥。禽曰陽禽、時禽、好禽。



夏曰朱明。氣赤而光明。亦曰長贏。朱
 夏、炎夏、三夏、九夏。天曰昊天。氣青
 汗。風曰炎風。節曰炎節。草曰茂
 草。雜草。木曰蔚林、茂林、密樹、茂
 樹。



圖

秋曰白藏。氣白而收。亦曰收成。
 萬物成而相收斂。而三秋、九秋、素秋、素商、
 高商。天曰旻天。旻，慝也。慝，萬物之彫零。風曰商風、素風、淒風、高風、涼風、悲風、激風、清風。景曰朗景、澄景、清景。時曰凄辰、霜辰。節曰素節、嘉節。草曰衰草。木曰疎木、衰林、霜柯。



冬曰玄英，清英而三冬、九冬、天
 曰上天，言時無事風曰寒風、勁
 風、嚴風、厲風、哀風、陰風、景曰冬
 景、寒景、時曰寒辰、節曰嚴節、鳥
 曰寒鳥、寒禽、草曰寒卉、黃華、木
 曰寒木、寒柯、素木、寒條。